



La Quotidiana
7007 Cuira
081/ 920 07 10
www.laquotidiana.ch

Medienart: Print
Medientyp: Tages- und Wochenpresse
Auflage: 4'183
Erscheinungsweise: 5x wöchentlich

Themen-Nr.: 140.001
Abo-Nr.: 1093271
Seite: 2
Fläche: 65'264 mm²



Per la davosa gada: Igl avat Vigeli Monn ed il mistral Donat Nay en processiu da s. Placi.

S. Placi 2015 – aunc cun avat e mistral en processiu

Solemna festivitad cun gronda participaziun e bia cooperaziun

DA GIUSEP CAPAUL / ANR

■ La vasta baselgia claustrala era fullanada dumengia cu il ministeri ed ils envidai ein entrai el sanctuari duront ch'il chor ha cantau in bellezza Magnificat. Dretg e seniester dil corridor permiez en stevan numerus giuvnas e giuvens dallas uniuns da giuventetgna spalier. In ingress impressiuont! Avat *Vigeli Monn* benventa la gronda cuminonza alla fiasta dils sogns fundaturs che han cun lur

clara finamira mussau la via al salit. In salid special va al predicatur e celebrant principal, avat *Emmanuel Rutz*, dad Uznach. Per la missiun da quels benedictins ei lu era l'unfrenda stada destinada. In beinvegni sedrezza era als hosps: canceliera federala *Corina Casanova*, cuss. naz. *Martin Candinas*, cuss. gov. *Christian Rathgeb*, mistral dalla Cadi *Donat Nay* – ad el per la davosa gada, essend ch'igl ei a fin cul cumin sin 2016 – ed al mistral dalla Val d'Ursera

Hans Regli.

Il survetsch divin pontifical vegn embellius dil Chor dalla claustra cun la messa en G-dur da Franz Schubert e sustegn ed accumpignament digl organist, orchester, solists e solistas. Lur prestaziun ei stada grondiusa e zun edificonta.

La legria digl evangeli ed il misteri dil schliet

Sebasond sin ina allocuziun da papa



La Quotidiana
7007 Cuira
081/ 920 07 10
www.laquotidiana.ch

Medienart: Print
Medientyp: Tages- und Wochenpresse
Auflage: 4'183
Erscheinungsweise: 5x wöchentlich

Themen-Nr.: 140.001
Abo-Nr.: 1093271
Seite: 2
Fläche: 65'264 mm²

Francestg tier il consistori da sia elecziun ha avat Emmanuel Rutz basau siu priedi sin duas petgas fundamentalas: D'ina vart la buna nova digl evangeli e dall'otra sil misteri dil schliet. El ha tratg parallelas era tier s. Sigisbert e s. Placi – in ei vegnius per annunziar la buna nova e l'auter marterisais persuenter. Aunc pliras epocas ord la historia dalla claustra han documentau il misteri dil bien e dil schliet.

Processiun imposanta

Silla ruta usitada entuorn la claustra semetta ina gronda processiun en moviment: Cun las reliquias dils sogns patrums (atgnamein eisi ina processiun da e cun reliquias). Ordavon la Societad da musica da Mustér e tamburs, suandada d'ina liunga parada da giuventetgna en plein colurs cun lur bandieras, diversas gruppas ed alla fin il ministeri ed il pievel. La biala canzun da s. Placi resuna (zactontas strofas) e denteren dat ei dus cuors rusari.

Benedicziun ed omagi

Il bi e niev plaz avon claustra ei fullanaus. Ei suonda la benedicziun. Avat Emmanuel Rutz drezza suenter zacons bials plaids, entgins schizun per romontsch, relatond dils exerchezis ch'el ha fatg en claustra a Mustér avon las grondas decisziuns per sia veta claustrala e spirituala. Bi ch'el ha era numnau pader Clemens Giger, da Mustér, benedictin dad Uznach, staus decennis ora missiunari ell'Africa. Plaids da reconuschientscha drezza era avat Vigeli Monn al celebrant ed a tuts cooperonts, puntuond las stretgas relaziuns dalla claustra viers la regiun.

Tradiziunalmein han ils dus avats survegniu l'emprema salvia. Las ulteriuras ein stadas per la canceliera federala Corina Casanova, cuss. naz. Martin Candinas, cuss. gov. Christian Rathgeb, il mistral d'Ursera Hans Regli e saltera Barbara Müller, il mistral dalla Cadi Donat Nay ed il cussegl da cumin, sco era deputadas e deputai dalla Surselva.

La davosa gada cun avat e mistral

La fiasta da s. Placi 2015 mereta igl attribut historic muort il fatg ch'igl avat Vigeli Monn e mistral Donat Nay ein i per la davosa ga ensemen en processiun. Quella veglia isonza finescha cun uonn, essend ch'ils cumins vegnan sligai si sin l'entschatta da 2016 egl entir cantun. Naven da 2016 dat ei pia negin mistral dalla Cadi pli.


Duront il past suandont pils envidai ha a. cuss. naz. *Dumeni Columberg* schau passar revista la historia dil cumin e specialmein da mistrals. Ton al mistral regent Donat Nay, siu vice *Erwin Caminada*, il saltè *Rico Lutz* (dapi 31 onns) sco era alla secretaria *Ursina Murer* ei vegniu engraziu per lur lavur cun surdar bials presents.

Facit: Da s. Placi 2015 han ins pia viu per la davosa ga avat e mistral in sper l'auter, mond en processiun. Naven da l'auter onn ei quei tut mo historia. Per biars – capeivlamein e carteivlamein – in grev cumiau d'ina tradiziun che ha cuzzau biars tschantaners.

Datum: 07.07.2015

südostschweiz **LA QUOTIDIANA**

Redazione: Via commerciale 22, 7007 Cuira, tel. 081 920 07 10, mail: redazione-lq@suedostschweiz.ch



La Quotidiana
7007 Cuira
081/ 920 07 10
www.laquotidiana.ch

Medienart: Print
Medientyp: Tages- und Wochenpresse
Auflage: 4'183
Erscheinungsweise: 5x wöchentlich

Themen-Nr.: 140.001
Abo-Nr.: 1093271
Seite: 2
Fläche: 65'264 mm²



Ina biala processiun cun cooperaziun dalla giuventetgna.